

# **К ОПУБЛИКОВАНИЮ**

## **КОМИ РЕСПУБЛИКАЛӢН ОЛАНПАС**

### **Коми Республика мутасын войвывса завоз збыльмӧдан юкӧнын ӧткымын юалӧм йылысь**

Примитӧма Коми Республикаса  
Каналан Сӧветӧн

2024 вося урасьӧм тӧлысь 15 луӧ

Тайӧ Оланпасыс «Войвывса завоз йылысь» Федеральнӧй оланпас серти (водзӧ – Федеральнӧй оланпас) Россия Федерацияса субъектыслы сетӧм уджмогысын ладмӧдӧ грузьяс ваян урчитӧм кадколастьяс мутасьсӧ, кутшӧмьяс меститчӧны Коми Республикаын муниципальной юкӧнъяслӧн мудорьясын, кутшӧмьяс пырӧны Ылі Войвыв районьясӧ да накод ӧткодялӧм местасьсӧ, грузьяс вайӧмкод йитчӧм ӧткымын юалӧм.

#### **1 статья. Шӧр кыввежӧртасьяс**

Тайӧ Оланпасын вӧдитчан шӧр кыввежӧртасьясӧн вӧдитчӧны вежӧртасьясын, кутшӧмьясӧс урчитӧма Федеральнӧй оланпасӧн да Россия Федерацияса мукӧд нормативнӧй инӧда актӧн.

#### **2 статья. Коми Республика мутасын войвывса завоз збыльмӧдан юкӧнын Коми Республикаса Каналан Сӧветлӧн уджмогыяс**

Коми Республика мутасын войвывса завоз збыльмӧдан юкӧнын Коми Республикаса Каналан Сӧветлӧн уджмогыасӧ пырӧны:

- 1) Коми Республика мутасын войвывса завоз збыльмӧдан юкӧнын Коми Республикаса оланпасьяс примитӧм;
- 2) Коми Республика мутасын войвывса завоз збыльмӧдан юкӧнын Коми Республикаса оланпасьясӧ кутчысьӧм да найӧс олӧмӧ пӧртӧм бӧрся видзӧдӧм;
- 3) мукӧд уджмог, кутшӧмьясӧс урчитӧма Россия Федерацияса Оланподулӧн, федеральнӧй оланпасьясӧн, Коми Республикаса Оланподулӧн да Коми Республикаса оланпасьясӧн.

#### **3 статья. Коми Республика мутасын войвывса завоз збыльмӧдан юкӧнын Коми Республикаса Юралысьлӧн уджмогыяс**

Коми Республика мутасын войвывса завоз збыльмӧдан юкӧнын Коми Республикаса Юралысьлӧн уджмогыасӧ пырӧны:

- 1) грузьяслысь стратегическӧй запас лӧсьӧдӧм йылысь помшуӧм примитӧм;
- 2) грузьяслӧн стратегическӧй запасысь медводдза категория грузьяс сетӧм йылысь помшуӧм примитӧм;

3) войвывса завоз мутасьяслөн лыддьөгö Коми Республикаса мутасьяс пыртöм йылысь да (либö) войвывса завоз мутасьяслөн лыддьөгö вежсьöмьяс пыртöм йылысь вöзйöмьяс дасьтöм;

4) Коми Республикаса олöмö пöртысь власьт органöс индöм, кодi збыльмöдö Коми Республика мутасын войвывса завоз серти планируйтан, котыртан да ладмöдан уджъяссö;

5) канму резервöн веськöдлысь федеральнöй олöмö пöртысь власьт органö шыöдчöм канму материальнöй резервысь материальнöй донаторьяс лэдзöм йылысь корöмөн подувьяс да пöрадокын, кутшöмьясöс урчитöма «Канму материальнöй резерв йылысь» Федеральнöй оланпасөн да Россия Федерацияса сьöмкуд оланпастэчасөн;

6) Россия Федерацияса оланпастэчас да Коми Республикаса оланпастэчас серти мукöд уджмог.

#### **4 статья. Коми Республика мутасын войвывса завоз збыльмöдан юкöнын Коми Республикаса Веськöдлан котырлөн уджмогьяс**

1. Коми Республика мутасын войвывса завоз збыльмöдан юкöнын Коми Республикаса Веськöдлан котырлөн уджмогьясö пырöны:

1) Коми Республика мутасын войвывса завоз збыльмöдан юкöнын öтувья канму политика нуöдöмö пырöдчöм;

2) войвывса завоз збыльмöдан юкöнын öтувья канму политика серти войвывса завоз планируйтöм, котыртöм да координируйтöм, кутшöмс збыльмöдö войвывса завоз серти федеральнöй координатор;

3) грузьяслысь стратегическöй запас лöсьöдан пöрадок урчитöм сэк, кор примитöма грузьяслысь стратегическöй запас лöсьöдöм йылысь помшуöм, кутшöмс индöма тайö Оланпаслөн 3 статьяса 1 пунктын;

4) войвывса завоз серти мониторинг нуöдан федеральнöй канму юöртан системаын войвывса завоз збыльмöдан юкöнын Коми Республикаса олöмö пöртысь власьт органьясөн нуöдан мероприятияс йылысь ас кадö юөр йöзöдöмсö, татшöм юөрлысь тырвийöлунсö да збыльлунсö могмöдöм;

5) Коми Республика мутасын меститчысь транспорт да логистика серти инфраструктура объектьяссö транспорт да логистика серти инфраструктура объектьяслөн лыддьөгö пыртöм йылысь вöзйöмьяс дасьтöм, кутшöмьяс артмöдöны войвывса завозлөн транспорт да логистика серти инфраструктура объектьяслысь опорнöй везсö;

6) войвывса завоз мутасьясын иналан прöдукция (вузöс) вылö доньяс дорö снабженческо-сбытöвöй да вузасын содтöдьяс, медводдза категория грузьяс да наөн вöдитчöмөн вöчан прöдукция (вузöс) вылö торйөн да чукөрөн вузалан доньяслөн медпозыана значениеяс, медводдза категория грузьяс новлөдлөм да видзöм, Федеральнöй оланпаслөн 9 статьяса 3 юкөнөн урчитöм случайын медводдза категория грузьяс серти сөвтчан-

ректыхан уджъяс да примитан да складскöй операцияс вылö тарифъяс арталан методикаяс урчитöм;

7) Коми Республикаса олöмö пöртысь власът органöс индöм, кодöс уполномочитöма збыльмöдны войвывса завоз мутасъясын иналан прöдукция (вузöс) вылö донъяс дорö снабженческо-сбытöвöй да вузасян урчитöм содтöдъясöн, медводдза категория грузъяс да наөн вöдитчöмөн вöчан прöдукция (вузöс) вылö торйөн да чукөрөн вузалан донъяслөн урчитöм медпозына значениясöн, медводдза категория грузъяс новлöдлöм да видзöм, Федеральнöй оланпаслөн 9 статьяса 3 юкөнөн урчитöм случайын медводдза категория грузъяс серти сöвтчан-ректыхан уджъяс да примитан да складскöй операцияс вылö урчитöм тарифъясöн вöдитчöм бöрся дінмуын канму контрольсö;

8) тайö статьяса 1 юкөнлөн 7 пунктын индöм дінмуын канму контроль йылысь положение вынсьöдöм;

9) медводдза категория грузъяссö, а сідзжö мöд категория грузъяссö войвывса завоз планö пыртöм йылысь вöзйöмъяс дасътöм;

10) Коми Республика мутасын войвывса завозлөн транспорт да логистика серти инфраструктура объектъяссö опорнöй везйö пыртöм могысь транспорт да логистика серти выль инфраструктура объектъяс лöсьöдöм йылысь вöзйöм пыртöм;

11) Россия Федерацияса оланпастэчас да Коми Республикаса оланпастэчас серти мукöд уджмог.

2. Войвывса завоз збыльмöдан юкöнын Коми Республикаса Вескöдлан котырлысь тайö статьяса 1 юкöнын индöм уджмогъяссö збыльмöдö Коми Республикаса Вескöдлан котыр ачыс либö (тайö статьялөн 1 юкөнса 5 – 10 пунктъясын индöм уджмогъяс кындзи) сыөн уполномочитöм Коми Республикаса олöмö пöртысь власът орган.

## **5 статья. Коми Республика мутасын войвывса завоз серти канмусянь отсöг сетöм**

1. Коми Республика мутасын войвывса завоз серти канмусянь отсöгсö сетöны Россия Федерацияса оланпастэчас да Коми Республикаса оланпастэчас серти.

2. Коми Республика мутасын войвывса завоз серти сьöмөн отсалöны юридическöй кывкутысьяслы да ашшөр уджалысьяслы, кодъяс уджалöны Коми Республика мутасын войвывса завоз збыльмöдан юкöнын, а сідзжö абу öтув вöдитчан транспорт да логистика серти инфраструктура объектъяс кийн кутысьяслы (кутысьяслы), кутшöмъясöс пыртöма транспорт да логистика серти инфраструктура объектъяслөн лыддьöгö, кутшöмъяс артмöдöны войвывса завозлөн транспорт да логистика серти инфраструктура объектъяслысь опорнöй везсö, сэк, кор индöм отсöг сетöм вылö лöсялана сьöмсö урчитöма лöсялана финансöвöй во да планöвöй период вылö Коми Республикаса республиканскöй сьöмкуд йылысь Коми Республикаса оланпасöн.

## **6 статья. Бӧртас**

1. Тайӧ Оланпасыс вынсялӧ 2024 вося косму тӧлысь 1 лунсянь.
2. Коми Республикаса Юралысьлы да Коми Республикаса Вельӧдлан котырлы примитны нормативнӧй инӧда актъяс, кутшӧмъяс могмӧдӧны тайӧ Оланпас збыльмӧдӧмсӧ.

Коми Республикаса Юралысь

В.В. Уйба

Сыктывкар

2024 вося урасьӧм тӧлысь 27 лун

7-РЗ №